

Nagina chapientscha per ils quitads al cunfin

Chombra pitschna refusa dapli personal per la guardia da cunfins

■ (anr/vi) La guardia da cunfins na duai per il mument betg survegnir dapli personal. Il cussegl dals chantuns ha refusà ier cun 29 cunter 15 vuschs l'iniziativa dal chantun Son Gagl. Ils chantuns da cunfin na cedan dentant betg: Sper il Grischun preparan er il Vallais ed il Tessin iniziativas cun il medem giavisch. Els ultims onns na saja betg mo l'immigraziun illegala creschida, mabain er il privel terroristic ed i vegnia impurtà adina dapli rauba scumandada, ha ditg Karin Keller-Sutter (pld/SG). La guardia da cunfin haja registrà il 2016 48000 entradas illegalas, pia 17000 dapli che l'onn precedent – malgrà che la ruta dal balcan saja serrada. La populaziun en la Val dal Rain giavischia dapli segirtad. Ma damai che la guardia da quella regiun stoppia gidar or en il Tessin restia anc pli pauc personal en quella regiun, ha Keller explitgà la situaziun en ses chantun.

En sazez hajan ins ina tscherta chapientscha per il giavisch, ma in'iniziativa chantunala saja la via fallada, ha ditg il president da cummissiun Isidor Baumann (pcd/UR). La finamira per dapli personal cuntanschian ins pli sveltsch'ins dauzia ils daners per il personal en il preventiv. L'onn passà haja il parlament dentant refusà in'augment per 36 plazzas, questa decisiun saja da respectar.

Auters cussegliers han argumentà ch'i saja chausa dal cussegl federal da procurar per segirezza. Il parlament na duai betg sa maschadar en dumondas da l'executiva. Plinavant haja la guardia da cunfins gia survegnì ils ultims onns dapli personal. La guardia da cunfins haja oz tuttina bler personal sco il 2003, è sa dustà Stefan Engler. Fin il 2011 hajan ins baje-

Cussegl dals chantuns mantegna privilegis per parlamentararis

(sda/anr) Il cussegl dals chantuns mantegna il privilegi fiscal per parlamentararis. Lezs na duain er en l'avegnir betg stuair pajar taglia per lur indemnisaziuns pauschalas en l'autezza da 33000 francs ch'els survegnan per engaschar personal u per spesas. La chombra pitschna refusa in'iniziativa parlamentara da Susanne Leutenegger Oberholzer (ps/BL). La cussegliera naziunala pretenda che la pauschala stoppia vegnir suttamessa a la taglia. La pauschala fiss prevedida per in collavuratur personal. Ma blers parlamentararis n'engaschan nagin collavuratur e salvan la pauschala per sazez.

Ramassar quittanzas

En l'economia privata saja quai era normal da pajar ora spesas ch'èn liberadas da la taglia, ha constatà il pledader da cummissiun Philipp Müller (pld/AG). I na sa tracta pia betg d'in privilegi. L'alternativa fiss ch'ils parlamentararis e las parlamentarias stuessan adina ramassar tut las quittanzas en connex cun lur mandat. Quai manass a difficul-

tads da savair tge che tutga insomma tar la lavur parlamentara e tge betg. Plinavant chaschunass quai in grond burdi administrativ.

Sut il stritg custass la burocrazia dapli che quai ch'ins pudess spargnar, di Claude Janiak (ps/BL). Oramai na dessi nagina schliaziun che cuntentass ils criticasters.


Parlament duess ir cun bun exempel ordavant

Ins paja taglia tenor la capacitat economica, ha regurdà Roland Eberle (pps/TG). Tenor sia opiniun n'èsi betg giu da via da trair giu las spesas da las entradas. Ozendi che las autoritads chantunales mettian si reglas adina pli severas per las spesas stoppian ils commembers dal parlament ir cun bun exempel ordavant.

Il medem è stà d'udir da singuls commembers da la ps e da la pld. Il cussegl dals chantuns ha tuttina refusà l'iniziativa cun 35 cunter nov vuschs. Quella fiss uschia giu da maisa. Il cussegl naziunal aveva beneventà l'onn passà unanimamain l'iniziativa.

già giu la dotaziun e sunter puspè augmentà. Il mund saja sa midà ed ils quitads creschian en las regiuns da cunfin. Mo cun «omeopatia» na schlian ins nagins problems. Politica da segirezza saja tuttavia chausa dal parlament. Insatge na constettia betg cun la percepsiun dal cussegl federal, ha admonì Engler. Gia ils chantuns

da Basilea Champagne e Son Gagl hajan fatg iniziativas chantunales per rinforzar la guardia da cunfins. Uss inoltreschia er il Grischun in'iniziativa ed i saja da quintar ch'il Tessin ed il Vallais suondian. Els arguments dals cussegliers or dals chantuns da cunfin n'han betg chattà udida e la chombra pitschna ha refusà l'iniziativa.



Guardias da cunfins fan patruglia sin la staziun da tren a Basilea.